



Yãmb a nebã, ad Wënd yaa yulgemde, la A ka reegd rënda yulgemde, la ad Wënd sagla sɪd-kõtã ne bũmb ning A sën sagl tẽn-tuumbã

Yii a Abu Hurayrat nengë (Wënd yard be a yĩnga) a yeelame: Wënd Tẽn-tuuma (Wënd puusg la A tɪlgr be a yĩnga) yeelame: «Ad Wënd yaa yulgemde, la A ka reegd rënda yulgemde, la ad Wënd sagla sɪd-kõtã ne bũmb ning A sën sagl tẽn-tuumbã; n yeele: {Yãmb a Tẽn-tuumba! Rɪ-y rɪ-yɪlmã sën yaa halaal ruɓo, la y maan tuum-sõma}, la A yeele: {Yaa yãmb sën kõ-b sɪda! Rɪ-y bõn-yɪlma Tõnd sën rɪlg yãmbã}. Rë poorë tɪ Nabiyaama tēeg rao yelle, sor sën wogle, t'a zugã bure n puki, t'a zëk a nus a yiibã n tug saasë wã n yetë: "m Soab A Wënde! Sõng-ma", la a rɪtlã yaa haraam, a sën yelgã yaa haraam, a bõn-yũudu wã yaa haraam, b leb n rɪlg-a-la ne haraam, b na n reega a kos-kãngã wãn-wãna?»

[Naşun Şahuhun (Gom-sikdem sën manege)] [A Muslim n togs-a]

Nabiyaamã kõo kibare (Wënd puusg la A tɪlgr be a yĩnga) tɪ ad Wënd yaa yɪlenga, n zãag boogr la zanga, n sɪf ne pidbu, A ka sakd tuum la goam la loese, rënda bũmb ning sën yaa yulgemde, n yaa Wënd yĩng bala, n zems ne Nabiyaamã kãndgre (Wënd puusg la A tɪlgr be a yĩnga), b ka sõmb n pēneg Wënd rënda ne woto, la bũmb lɪslaam tuum sõng sën yɪd paoongo, yaa a rɪtlã sën na n yɪ yulgemde, n yaa halaale, yaa ne woto la a tuumdã yɪt yulgemde, la rë n kit tɪ Wënd sagl sɪd-kõtã ne bũmb ning A sën sagl ne tẽn-tuumbã; tɪ b rɪ yɪlma la b maan tuum sõma, t'A yeele: {Yãmb a Tẽn-tuumba! Rɪ-y rɪ-yɪlmã sën yaa halaal ruɓo, la y maan tuum-sõma, ad Mam mii yãmb sën maand bũmb ninsã wã}. La A yeele: {Yaa yãmb sën kõ-b sɪda! Rɪ-y bõn-yɪlma Tõnd sën rɪlg yãmbã}. Rë poorë tɪ Nabiyaamã bugsi (Wënd puusg la A tɪlgr be a yĩnga) n yi haraamã ruɓo sën sãamd tuumã la a gɪdgd tɪ b pa reegd-a wã, baa a sën nidg pãng tuumã reegr sabab-rãmb sën yaa yɪngã; sën be b pugë: Rëenemã: so-toak woglgo, Wënd tũudum wɛengë, wala hagiimdu, la gɪhaadu, la rogem tōkre, la zëng sën ka rë. Yiib soaba: zugã zoobd burbo, b sën ka sãas-a wã yĩnga, t'a kōbgã toeeme, t'a futã kōbg lebg tom, tɪ yë mengã lebg pakre tɪ weooge. Tãab soaba: a zëkd a nus a yiibã n tug saasë wã ne kosgo. Naas soaba: n kot Wënd ne A Yuy wã, n pēdgd woto pugã: m Soab A Wënde, sõng-ma! La sën lagem ne kosgã reegr sabab-kãensã wã, b ka na n kelg-a ye; bala a rɪtlã yaa haraam, a bõn-yũudmã yaa haraam, a sën yeelgã yaa haraam, b leb n rɪlg-a-la ne haraam, rënd reegrã zãrame ne sɪf-kãngã, b na n reega a kosgã wãn-wãna!?

النجاة الخيرية
ALNAJAT CHARITY

